

四庫全書

史部

# 欽定四庫全書

史部

水經注集釋訂訛卷十二

詳校官監察御史<sub>臣</sub>周元良

刑部郎中<sub>臣</sub>許兆椿覆勘

總校官原任中允<sub>臣</sub>王燕緒

校對官中書<sub>臣</sub>吳裕德

謄錄監生<sub>臣</sub>湯師錫

欽定四庫全書

水經注集釋訂訛卷十

歸安沈炳巽撰

濁漳水

清漳水

濁漳水

在今山西潞安府南二十里

出上黨長子縣

今屬潞安府

西發鳩

山

在今潞安府長子縣西五十里

之漳水焉

四字疑衍

出鹿谷與發鳩連麓而在南淮南子謂之發苞山故

異名互見也左則陽泉水注之右則散蓋水入焉三

源同出一山但以南北為別耳

散蓋今縣志作傘蓋

東過其縣南

今山西潞安府長子縣西有長子故城

又東堯水自西山東北流逕堯廟北又東逕長子縣

故城南周史辛甲所封邑也

朱箋引劉向別錄曰辛甲事紂七十五諫而不

聽去之周文王以為公卿封之長子

春秋襄公十八年晉人執衛行人

石買於長子即是縣也秦置上黨郡治此也其水東

北流入漳水漳水東會于梁水梁水出南梁山北流

至長子縣故城南竹書紀年曰梁惠成王十二年鄭

取屯留尚子沮

朱謀埒云疑作則

尚子即長子之異名也梁

水又北入漳水

屈從縣東北流注

疑有譌脫當云屈從縣東北流陶水注之

陶水南出南陶北流至長子城東西轉逕其城北東

注于漳水

又東過壺關縣北

壺關屯留二縣俱屬潞安府今長治縣東南有壺關故城今屯留縣東南

十三里有屯留故城

漳水東逕屯留縣南又屈逕其城東東北流有絳水

注之絳水西出穀遠縣

今為山西沁州沁源縣

東發鳩之谷鳩發

谷一名盤秀嶺又名方山鹿消山盤石山說見後

謂之濫水屯

宋本作也

東逕屯

留縣故城南故留子國也潞氏之屬春秋襄公十八

年晉人執孫荊於純

杜注純屯也

留是也其水東北流入

于漳故桑欽云絳水

疑漏屯字

屯留西南東入漳

後魏地形志藍

水出寄氏縣盤秀嶺南北流入濁漳元和志絳水出屯留縣西南方山去縣八十四里寰宇記引冀州圖

謂之鹿消山屯留新志盤秀山在縣西南九十里一名盤石山按漢志上黨有穀遠縣在今屯留縣界

寄氏故城在縣西南七十里藍水即濫水絳水之上源也漳水又東陳水注之水

出西發鳩山東逕余吾縣故城南漢光武建武六年

封景丹子尚為侯國

按後漢書景丹傳丹薨子尚嗣徙封余吾侯注云縣名屬上黨

郡今潞州陳水又東逕屯留縣故城北竹書紀年梁惠成

王元年韓共侯趙成侯遷晉桓子

按竹書作桓公

屯留史記

趙肅侯奪晉君端氏而徙居之此矣

史記趙世家成侯十六年與韓

魏分晉封晉君于端氏肅侯元年奪晉君端氏徙處屯留

其水又東流注于漳故

許慎曰水出發鳩山入關從水章聲也漳水逕壺關

縣故城西又屈逕其城北故黎國也有黎亭縣有壺

口關故曰壺關矣

壺口關在今黎城城縣北太行山

呂后元年立孝

惠後宮子武為侯國漢有壺關三老公乘興上書訟

衛太子即邑人也縣在屯留東不得先壺關而後屯

留也漳水歷鹿臺山

在潞安府襄垣縣南二十里濁漳水在縣南二十一里襄垣故

城在今壺關縣北

與

鞮上當有銅字

鞮水合水出銅鞮縣

銅鞮故城在今山西

沁州城南

西北石磴山東流與潯池水合出八持山

朱云八持

當作八持潘尼西道賦云羊羹八持成鼎黃馬是也

東北流入銅鞮水銅鞮水

又東南逕女諫水西北好松山東南流北則葦池水



與公主水合而右注之南則榆交水與皇后水合而

左入焉亂流東南注于銅鞮銅鞮水

宋本水下有東遼二字

李

憲墓

疑漏墓字

前有碑碑石破碎故李氏以太和元年立

之

晉書李憲傳憲字季和上黨銅鞮人少有高行位特進光祿大夫以年老遜位詔褒賜有加憲自歷

仕雖清非異衆而家無儲積親舊故人乃至分衣共食未嘗私以王官及卒追贈太保謚曰成子其

水又東逕故城北城在山阜之上下臨岫壑東西北

三面咀案二里世謂之斷梁城即故縣之上虎亭也

在今襄垣縣西北五里今為虎亭鎮

銅鞮水又東逕銅鞮縣故城北

城在水南山中晉大夫羊舌赤銅鞮伯華之邑也漢

高祖破韓王信於此縣也銅鞮水又東南流逕項一作

項後魏地  
形志作傾城西即縣之下虎聚也地理志曰縣有上

虎亭下虎聚者也銅鞮疑漏又南逕胡邑西又東屈

逕其城南又東逕襄垣縣今屬潞安府入于漳漳水又東

北流逕襄垣縣故城南王莽之上黨亭

又東北過屯留縣三字疑衍潞縣北潞縣今為潞安府潞城縣其故城在縣西

縣故亦翟潞子國也其相豐舒有雋才而不以茂德

晉伯宗數其五罪使荀林父滅之闕駟曰有潞水為

冀州浸即漳水也余按燕書王猛與慕容評相遇於

潞川也鄣固山泉鬻水與軍入絹匹水二石

十六國春秋前

燕錄王猛入晉陽慕容評畏猛不敢進屯于潞川評

為人貪鄙鄣固山泉鬻水與軍入絹一匹得水二石

積錢帛如山士卒怨憤莫有鬻志

疑

佗大川可以為侵

湍唯漳

朱本作漳

水耳故世人亦謂濁漳為潞水矣縣北

對故壁臺漳水逕其南本潞子所立也世名之為臺

壁也慕容垂伐慕容永於長子軍次潞川永率精兵

拒戰阻河自固垂陣壁臺

當從十六國春秋作臺壁為是

一戰破之

即是處也漳水於是左

疑譌或是合

右黃須水口水出壁

臺

亦當作臺壁

西張諱巖下世傳巖亦則土離

當作離

兵害

故惡其變化無常恒以石粉汙之令白是以俗目之

為張諱巖其水南流逕臺壁西又南入于漳漳水又

東北歷望夫山

在今黎城縣東北元和志清漳水在黎城縣東五十里濁漳水在縣西北

五十里

山之南有石人跡於山上狀有懷於雲表因以

名焉有湮水西出覆甌山而東流與西湯溪水合水出

涇縣

今省入山西  
沁州武鄉縣

西山湯谷五泉俱會謂之五會之

泉矣

疑作又

東南流謂之西湯水又東南流注涇水又

東逕涇縣故城南縣氏

漢志涇氏涇水也縣字當作涇

涇水也東與

白雞

雞下疑有水合二字

水出縣之西山東逕其縣北東南流

入涇水涇水又東南與武鄉水會焉水源出武山西

南逕武鄉縣

今屬山西沁州

故城西而南出得清谷口水源

出東北長山清谷西南與鞏鞞白壁二水合南入武

鄉水又南得黃水口黃水三源同注一壑東南流與

隱室水合水流西北出隱室山東南注潢水

疑作湟水

又

東入武鄉水武鄉水又東南注于湟水湟水又東南流注于漳水漳水又東逕碯陽城北倉石水入焉水出

林慮縣

今為河南彰德府林縣倉石水在縣西北四十里

之倉石溪東北逕

魯班門西關昂藏

昂藏軒露侈大之貌

石壁霞舉左右結石修

坊崇基仍存北逕偏橋東即林慮之嶠嶺抱犢固也

石磴西陞陟踵修上五里餘崿路中斷四五丈中以

木為偏橋劣得道行亦言故有偏橋之名矣自上猶

須攀蘿捫葛方乃自津山頂即庾袞眩墜處也倉石

溪水

以上疑有謬誤不可句讀

又北合白水溪溪水出壺關縣東

白木川東逕百畝城北蓋同仇池百頃之稱矣又東

逕林慮縣之石門谷又注于蒼溪水蒼溪水又北逕

礪陽城

在今林縣北八十里

東而北流注于漳水漳水又東逕

葛公亭北而東去矣

又東過武安縣

今屬河南彰德府其故城在縣西南

漳水

宋本水下有逕字

於縣東清

禹貢錐指引北下有漳字

水自涉縣東

南來注流之世謂決入之所為交漳口也

涉縣今屬彰德府其

故城在縣西北元和志清漳水亦名涉河在涉縣南一里

又東出山過鄴縣西

今彰德府臨漳縣西南有鄴縣故城西接林縣界有太行林慮倚陽

天平諸山皆漳水之所經也

漳水又東逕三戶峽為三戶津張晏曰三戶地名也

三戶津在故鄴城西四十里

在梁期西南孟康曰津峽名也在鄴

西四十里又東汗

宋本作沂

水注之水出武安縣山東南

流逕于城北昔項羽與蒲將軍英布濟自三戶破章



邯於是水汗水東注于漳水漳水又東逕武城南世  
謂之梁期城梁期在鄴北俗亦謂之兩期城皆為非  
也司馬彪郡國志曰鄴縣有武城武城即期城矣漳  
水又東北逕西門豹祠前祠東側有碑隱起為字祠  
堂東頭石柱勒銘曰趙建武中所修也魏文帝述征  
賦曰羨西門之嘉迹忽遙睇其靈宇漳水右與枝水  
合其水上承漳水於邯會西而東別與邯水合水發  
源邯山東北逕邯會縣故城西北注漳水故曰邯會

也張晏曰漳水之別自城西南與邯山之水會今城旁猶有溝渠存焉漢武帝元朔二年封趙敬肅王子劉仁為侯國其水又東北入于漳昔魏文侯以西門豹為鄴令也引漳以溉鄴民賴其用其後至魏襄王以史起為鄴令又堰漳水以溉鄴田咸成沃壤百姓歌之魏武王又竭漳水迴流東注號天井堰里中作十二登塋相去三百步令互相灌注一源分為十二流皆懸水門陸氏鄴中記云水所溉之處名曰晏陂

澤故左思之賦魏都也謂澄流十二同源異口者也  
魏武之攻鄴也引漳水以圍之獻帝春秋曰司空鄴  
城圍周四十里初淺而狹如或可越審配不出爭利  
望而笑之司空一夜增修廣深二丈引漳水以注之

遂拔鄴

後漢書袁紹傳袁尚使審配守鄴曹操進攻  
鄴配將馮札為內應開突門內操兵三百餘

人配覺之從城上以大石擊門入者皆死操乃鑿塹  
圍城周回四十里初令淺示若可越配望見笑而不  
出爭利操一夜濬之廣深二丈引漳水  
以灌之遂拔鄴云云較所引似明暢

本齊桓公所

置也故管子曰築五鹿中牟鄴以衛諸夏也後屬晉

魏文侯七年始封埽地

此句疑有譌誤宋本作始封此地然恐亦非是蓋魏之封

豈始于文侯耶惟史記魏世家有云文侯六年城少梁或當作始城此地為是故曰魏也漢

高帝十二年置魏郡治鄴縣王莽更名魏城後分魏

郡置東西部都尉故曰三魏魏武又以郡國之舊引漳

流自城西東入逕銅雀臺下伏流入城東注謂之長

明溝也渠水又南逕止車門下魏武封於鄴為北宮

宮有文昌殿溝水南北夾道枝流引灌所在通溉東

出石竇下注之涅水故魏武登臺賦曰引長明灌街

里謂此渠也石氏於文昌故殿處造東西太武二殿

於濟北穀城之山採文石為基一基下五百武直宿

衛屈

疑作屋

柱趺瓦悉鑄銅為之金漆圖飾焉又徙長

安雒陽銅人置諸宮前以華國也城之西北有三臺

皆因城之

之字衍

為基魏然崇舉其高若山

十六國春秋後趙錄

石虎建武元年大起宮殿于都遂于鄴西文昌故殿處造東西太武二殿採穀城山文石為基一基下五

百武直宿衛屈柱趺瓦悉鑄銅為之金漆圖飾焉又徙長安雒陽銅人置諸宮前以華其國城之西北有

三臺皆因城為基魏然崇舉其高若山

建安十五年魏武所起平坦畧

盡春秋古地云葵邱地名今鄴西臺是也謂臺已平  
或更有見意所未詳其中曰銅雀臺高十丈有屋百  
餘間臺成命諸子登之並使為賦陳思王下筆成章  
美捷當時亦魏武望奉常王叔治之處也昔嚴才與  
其屬攻掖門脩間變車馬未至使將官屬步至宮門  
魏志王修傳曰修從奉常其後嚴才反修間變召車  
馬未至使將官屬步至宮門云云嚴才下漏反字間  
變下漏  
召字太祖在銅雀臺望見之曰彼來者必王叔治  
也相國鍾繇曰舊京城有變九卿各居其府卿何來

也修曰食其祿焉避其難居府雖舊非赴難之義時  
人以為美談矣石虎更增二丈立一屋連棟接檐彌  
覆其上盤迴隔之名曰命子窟又於屋上起五層樓  
高十五丈去地二十七丈又作銅雀於樓巔舒翼若  
飛南則金雀臺高八丈有屋一百九間北曰冰井臺

十六國春秋  
作井冰臺

亦高八丈有屋一百四十間上有冰室

室有數井井深十五丈藏冰及石墨焉石墨可書又  
然之難盡亦謂之石炭又有栗窖及監

疑當  
作鹽

以備不

虞今害上猶有石銘存焉左思魏都賦曰三臺列峙而崢嶸者也城有七門南曰鳳陽門中曰中陽門次

曰廣陽門東曰達春

一作建春

門北曰廣德門次曰殿門

西曰金門門一曰白門鳳陽門三臺洞開高三十五

丈石氏作層觀架其上置銅鳳頭高一丈六尺東城

上石氏立東明觀觀上加金博山謂之鏘天北城上

有齋午樓超出羣榭孤高特立其城東西七里南北

五里飾表以墉百步一樓凡諸宮殿門臺隅雉皆加



觀榭層甍及

後趙錄作疊

宇飛檐拂雲圖以丹青色以輕

素當其全盛之時去鄴六七十里遠望若

何氏云疑作若

亭

魏若仙居魏因漢祚復都洛陽以譙之

疑譙宋本作譙為

先

人本國許昌為漢之所居長安為西京之遺迹鄴為

王業之本基故號五都也今相州刺史及魏郡治漳

水自西門豹祠北逕趙閱馬臺西基高五丈列觀其

上石虎每講武於其下升觀以望之虎自於臺上放

鳴鏑之矢以為軍騎出入之節矣漳水又北逕祭陌

西戰國之世俗巫為河伯取婦祭於此陌魏文侯時  
西門豹為鄴令約諸三老曰為河伯取婦卒來告知

史記作幸  
來告語

吾欲送女皆曰諾至時三老廷掾賦斂百

姓取錢百萬巫覡行里中有好女者呪當為河伯婦

呪疑誤史記作  
是當為河伯婦

以錢三萬聘女沐浴脂粉如嫁狀豹

往會之三老巫掾與民咸集赴觀巫嫗年七十從十  
女弟子豹呼婦視之以為非妙令巫嫗入報河伯投  
巫於河中有頃曰何久也又令三弟子及三老入白

並投於河豹磬折曰三老不來奈何復欲使廷掾豪  
長趣之皆叩頭流血乞不為河伯取婦淫祀雖斷地  
留祭陌之稱焉又慕容儁投石虎尸處也田融以為  
紫陌也趙建武十一年造紫陌浮橋於水上為佛圖  
澄先造生墓於紫陌建武十五年卒

按後趙錄佛圖澄傳澄于建武

十四年十二月八日卒今云十五年誤

十二月葬焉即此處也漳水又

對趙氏臨漳宮宮在桑梓苑多桑木故苑有其名三  
月三日及始蠶之月虎帥皇后及夫人採桑於此今

地有遺桑墉無尺雉矣漳水又北溢水入焉漳水又東遼梁期城南地理風俗記曰鄴北五十里有梁期城故縣也漢武帝元鼎五年封任破胡為侯國晉惠帝永興元年驃騎王浚遣烏丸渴末遼至梁期候騎到鄴成都王穎遣將軍石超討末為末所敗於此也遼平陽城北竹書紀年曰梁惠成王元年鄴師邯鄲師於平陽者也

按竹書紀年無此文且句中亦有譌誤

司馬彪郡國志

曰鄴有平陽城即此地也

入東過列人縣南

列人故城在今廣平府肥鄉縣北

漳水入東右逕斥丘縣北即裴縣故城南王莽更名

之曰即是也

元和志成安縣濁漳水西自滏陽縣界流入斥丘故城在縣東南三十里斥丘

裴縣並在東昌府丘縣

地理風俗記曰列人縣西南六十里即

裴城故縣也漳水又東北逕列人縣故城南王莽更

名之為列治也竹書紀年曰梁惠成王八年惠成王

伐邯鄲取列人者也於縣右合白渠故瀆白渠水水

疑出魏郡武安縣欽口山東南流逕邯鄲縣南又東

與拘澗水合水道源武始東山白渠北俗猶為是水  
為拘河也白渠水又東又有斗首水入焉水出邯鄲縣  
西堵山東流分為二水洪湍雙逝澄映兩川漢景帝  
時七國悖逆命曲周侯酈寄攻趙圍邯鄲相捍七日  
引斗首拘水灌城城壞王自殺其水東入邯鄲城逕  
溫明殿南漢世祖擒王郎幸邯鄲畫卧處也其水又  
東逕叢臺南六國時趙王之臺也

叢臺在今廣平府邯鄲縣北史記趙

武靈王所築因其叢離而名

郡國志曰邯鄲有叢臺故劉邵趙都

賦曰結雲閣於南宇立叢臺於少陽者也今遺基舊  
壙尚在其水又東歷邯鄲阜張晏所謂邯山在東城  
下者也曰單盡也城郭從邑故加邑邯鄲之名蓋指  
此以立稱矣故趙郡治也長沙耆舊傳稱桓楷為趙  
郡太守曾有遺囊粟於路者行人掛囊粟於樹莫敢  
取之即於是處也其水又東流出城又合成一川也  
又東澄而為渚沁水東南涓一作流注拘潤水又東入  
白渠又東故瀆出焉一水東為澤渚曲梁縣之雞澤

也

曲梁縣今為廣平府治永平縣漢屬廣平國

國語所謂雞邱矣東北通

登

宋本作澄

湖白渠故瀆南出所在枝分右出即邯溝也

歷邯溝縣故城東蓋因溝以名

宋本作氏

縣也地理風俗

記曰即裴城西北二十里有邯溝城故縣也

邯溝故城在今

廣平府肥鄉縣西北十里

又東逕肥鄉縣故城北

故城在今縣西北二十里

竹

書紀年曰惠成王八年伐邯鄲取肥者也晉書地道

記曰太康中立以隸廣平也渠道交徑互相纏縻與

白渠同歸逕列人右會漳津今無水地理志曰白渠



東至列入漳是也

又東北過斥漳縣南

斥漳縣今為廣平府威縣漢志作斥漳屬廣平國今曲周縣東有斥

漳故城

應劭曰其國斥鹵故曰斥漳漢獻帝建安十八年魏

太祖鑿渠引漳水東入清洹以通河漕名曰利漕渠

漳津故瀆水舊斷溪東北出涓流濞

廣韻濞莫狄切淺水也

而已尚書所謂覃懷底績至于衡漳者也孔安國曰衡橫也言覃漳水橫流也又東北逕平恩縣故城西

故城在今廣平府  
曲周縣平恩鎮  
應劭曰縣故館陶之別鄉漢元帝

元康三年置

按元康乃宣帝年號今云元帝誤又按史漢表平恩侯許廣漢以地節三年封

今云元康亦誤以封后父許伯為侯國王莽更曰延平也

又東北過曲周縣東又東北過鉅鹿縣東

曲周今屬廣平府鉅鹿今

屬河間府

衡漳故瀆東北逕南曲縣故城西

南曲縣故城在今東昌府邱縣西北

地理志廣平有曲周縣應劭曰平恩縣北四十里有

南曲亭故縣也又逕曲周縣故城東

在今縣東北漳水故瀆在縣東

志云漳水舊自縣東北入威縣其  
後自魏縣東出經流遂為枯瀆  
地理志曰漢武帝

建元四年置王莽更名直周余按史記大將軍酈商

以高祖六年封曲周縣為侯國又考史記二字疑誤當作漢書

同是知曲周舊縣非始孝武蓋商冀州人在縣市補

履數年人奇其不老求其術而不能得也何氏云蓋商以下二

十四字疑是錯簡衡漳又北逕巨橋祗疑當作閣西舊

有大梁橫水故有巨橋之稱昔武王伐紂發巨橋之

粟以賑殷之饑民服虔曰巨橋倉名鉅鹿水之大橋

也今臨側水湄左右方一二里中狀若邱墟蓋遺囿

故害處也衡水又北逕鉅鹿縣故城東

鉅鹿今順德府治其故城

即今平鄉縣魏叔志云平鄉縣治鉅鹿城是也史記項羽收巨鹿軍漳南括地志曰今俗名柳河在平鄉縣南元和志云濁漳水在縣西南十里明成化十八年漳河東決入順德府廣宗縣界是為新漳而舊漳

遂應劭曰鹿者林之大也尚書曰堯將禪舜納之大

麓之野烈風雷雨不迷致之以昭華之玉而縣取目

焉路溫舒縣之東里人父為里監門使溫舒牧羊澤

中取蒲牒用寫書即此澤也鉅鹿郡治秦始皇二十

五年滅趙以為鉅鹿郡漢景帝中元年為廣平郡武

帝征和三年以封趙敬肅王子為廣平侯國

按武帝紀征和

二年九月立趙敬肅王子偃為平干王漢志廣平國下云武帝征和二年置為平干國則此之廣平侯國

當作平干王國

世祖中興更為鉅鹿也鄭玄注尚書引地說

云大河東北流過絳水千里至大陸為地腹如志之

言大陸在鉅鹿地理志曰水在安平信都鉅鹿與信

都相去不容此數也水土之名變易世失其處見降

水則以為絳水故依而廢讀或作絳字非也今河內

共北山淇水共水

二字疑衍

出焉

按漢志河內郡共縣注云故國北山淇水所出

東至黎陽入河據此當作河內共北山淇水出焉為是今云北共山誤共水二字疑衍

東至魏

郡黎陽入河近所謂降水也降讀當如郟降于齊師

之降蓋周時國於地者惡言降故改之共耳又今河

所從去大陸遠矣館陶北屯氏河其故道與余按鄭

玄據尚書有東過洛汭至于大伾北過降水至于大

陸推次言之故以淇水為降水共城為降城所未詳

也稽之羣書共縣故本共和之故國是有共名不惡

降而更稱禹著山經淇出沮如淇澳衛詩列目又遠  
當非改絳為今號但是水道源共山北玄欲因成降  
議故以淇水為降水耳即如玄引他說黎陽鉅鹿非  
千里之逕直信都於大陸者也唯屯氏北出館陶事  
近之矣按地理志云絳水發源屯留下亂漳津是乃  
與漳俱得通稱故水流間關所在著自信都復見絳  
名而東入于海尋其川脉無他殊瀆而衡漳舊道與  
屯相亂乃書有過降之

疑有脫

文地說與千里之志即之

途致與書相鄰河之過降當應此矣下至大陸不異  
經說自寧迄于鉅鹿出于東北皆為大陸語之纏絡  
厥勢眇矣九河既播八牧何氏云牧疑作枝代絕遺跡故稱  
往往時存故鬲般列於東北徒駭瀆縣漳絳同逆之  
狀粗分陂障之會猶在案經考瀆自安故目矣

禹貢錐指宋張洎云降水即濁漳也字或作絳地  
理志屯留縣下云桑欽言絳水出西南東入海酈  
道元引此文作入漳云絳水發源屯留下亂漳津



與漳俱得通稱通典云漳水橫流而入河在今廣平郡肥鄉縣界大陸地名見冀州河渠書云禹道河至于大伾以為河所從來者高水湍悍難以行平地數為敗乃廝二渠以引其河北載之高地過降水至于大陸二渠其一為漯川自黎陽大伾山南東北流至于千乘入海其一則河之經流自大伾山西南折而北為宿胥口又東北經鄴縣東至列人斥漳縣界合漳水是為北過降水溝洫志王橫

曰禹之行河水本隨西山下東北去周譜云定王  
五年河徙則今所行非禹之所穿宜更開空使緣  
西山足乘高地而北入海即此道也水經所叙漳  
水自平恩以下皆禹之故道河自斥漳又東北逕  
平恩曲周以至鉅鹿其西畔為大陸也漢鉅鹿縣  
唐為平鄉鉅鹿二縣屬邢州今屬順德鉅鹿故城  
即今平鄉縣治○鉅指又云正義曰地理志降水  
在信都縣按漢書以襄國為信都在大陸之西或

降水發源在此下尾至今之信都故得先過降水  
乃至大陸鄭以降讀為下江反聲轉為共河內共  
縣淇水出焉東至魏郡黎陽縣入河北近降水周  
時國于此地者惡言降故謂之共此鄭胸臆不可  
從也按襄國今為邢臺縣縣界絕無降源孔說非  
是酈注濁漳引鄭尚書注言降水字不當作絳是  
也而讀降為邲降于齊之降以淇水為降水共城  
為降城則謬又曰今何所從去大陸遠矣館陶北

屯氏河其故道與酈以為近是今考地理志館陶縣下云河水別出為屯氏河東北至章武入海今館陶臨清清平高唐景州南皮滄州鹽山界中並有古屯氏河則屯河行清河之東大河故瀆之西為禹貢故道理或有之然鄴縣故大河在東北入海地志有明文禹河既自宿胥口北行至鄴豈復東行至館陶而與屯氏相接哉其非禹跡明矣漳水又歷經縣故城西水有故津謂之薄落津昔來

本初還自易京上已屆此率其賓從楔飲於斯津矣

經縣故城在今順德府廣宗縣東二十里本後漢經縣地後魏析置二縣北為西經漳水自平鄉流入縣界即古薄落水也戰國策趙武靈王曰吾國東有河薄落之水後漢初平四年來紹擊公孫瓚于薄落津

衡漳又逕沙邱臺東紂所成也在鉅鹿故城東北七

十里趙武靈王與秦始皇並死於此矣

按通典平鄉縣有沙邱臺

在今廣宗縣界廣宗唐平鄉地也

又逕銅馬祠東漢光武廟更始三

年秋光武追銅馬於館陶大破之遂降之賊不自安

世祖令其歸營乃輕騎行其壘賊乃相謂曰蕭王推

赤心置人腹中安得不投死乎遂將降人分配諸將  
衆數十萬人故關西號世祖曰銅馬帝也祠取名焉  
廟側有碑述河內修武縣張導字景明以建和三年  
為鉅鹿太守漳津汎濫土不稼穡導披按地圖與丞  
彭參掾馬道嵩等原其逆順揆其表裏修防排通疑漏  
以正水路功績有成民用嘉賴題云漳河神壇碑而  
俗老耆儒猶謂斯廟為銅馬劉神寺是碑頃因震裂  
餘半不可復識矣

案字記銅馬寺在鉅鹿縣北七里  
漳水舊在縣東唐鉅鹿縣故城在

縣南宋北流決入漳水大觀元年邳州言河決臨鉅鹿縣詔遷縣于高地即今治其後河復南出漳亦隨之故道又逕南宮縣故城西漢惠帝元年以封張越多塞

人子買為侯國

按史漢表是高后元年今云惠帝元年誤

王莽之序中也

其水與隅醴通為衡津又有長蘆淫水之名絳水之稱矣今漳水既斷絳水非復纏絡矣又北絳瀆出焉

今無水故瀆東南逕九門城南

城在今正定府藁城縣西北二十五里

又東南逕南宮城北

南宮縣今屬正定府元和志絳水故瀆在南宮縣東南六里

又東南逕繚城縣故城北

繚城在今南宮縣東南經城在今廣平府威縣北

十三州志曰經縣東五十里有繚城故縣也左逕安

城南

故信都之安鄉也城在今正定府冀州東南

故信都之安城鄉也更

始二年和城太守邳彤與上會信都南安城鄉上大

悅即此處也故瀆又東北逕辟陽亭

今冀州東南二十里有辟陽故

城漢高帝六年封審食其為侯國王莽之樂信也地

理風俗記曰廣川西南六十里有辟陽亭故縣也

今冀

州東南二十里有辟陽故城

絳瀆又北逕信都城東散入澤渚

信都

城即今冀州治

西至于信都城東連于廣川縣之張甲故瀆



同歸于海

今東強縣東三十里有廣川故城河水注云張甲河右瀆自廣川縣東北逕其故城

西又東北至修縣東會清河入漳

故地理志曰禹貢絳水在信都東

入於海也

禹貢雖指漢志雜採古記故漳絳二水並存實一川也漳絳本入河及河徙之後漳絳循河故道而下故酈道元云水流間關所在著目信都復見絳名而東入于海也然漢志信都之絳水則又有別志云故漳河在北東入海禹貢絳水亦入海蓋縣

北故漳即禹河之故道而絳水出其南則漳水之  
徙流酈元所謂絳瀆者也蓋漢時信都之漳水徙  
從其縣南故地志以此為絳水而目縣北之瀆曰  
故絳河其後漳復北道故水經叙漳水仍自信都  
縣西東北過下博縣而酈元云絳瀆今無水唐人  
遂謂之枯絳杜佑通典云清河郡經城縣界有枯  
絳渠北入信都郡界者是也殊不知此渠乃漳水  
一時之徙流而漢書地志乃以為禹貢之絳水豈

不大謬而杜佑復據之以分冀兗之界自後說經者動稱枯絳以證導河之所過皆班氏禹貢二字有以誤之也

又北過堂陽縣西

衡水自堰分為二水其一水北出逕縣故城西世祖自信都以四千人先攻堂陽降水者也水上有梁謂之旅津渡商旅所濟故也其右水東北注出石門門石崩號餘基殆在謂之長蘆水蓋變引葭之名也

元和

志堂陽縣長蘆水亦謂之堂水在縣南二百步因取名按堂陽今為新河縣其故城在南宫縣西北衡水

即漳水

長蘆水更逕堂陽縣故城南應劭曰縣在堂水

之陽穀梁傳曰水北為陽也今於故縣城南更無別

水唯是水東出可以當之斯水蓋包堂水之氣稱矣

長蘆水又東逕九門波

宋本作坡一作城

故縣也又東逕扶

柳縣故城南

漢志扶柳縣屬信都國今冀州西南有扶柳故城北云扶都誤

世祖建

武三十年封寇恂子楫

後漢書寇恂傳恂卒子楫嗣後徙損為扶柳侯今云楫誤

為侯國又東屈北逕信都縣故城西信都郡治也漢

高帝六年置景帝二年為廣川惠王越國

漢志信都國景帝二

年為廣川國漢表景帝中二年封子越為廣川王

王莽更為新傳縣曰新傳

亭

漢志信都國莽曰新傳今云傳誤

光武自薊至信都是也明帝永

平十五年更名樂成

漢志應劭曰明帝更名樂安今云樂成誤

安帝延光

中改曰安平城內有漢冀州從事安平趙徵碑又有

魏冀州刺史陳留丁紹碑青龍三年立城南有獻帝

南巡碑其水側城北注又北逕安陽城東又北逕武

陽城東十三州志曰扶柳縣東北有武陽城故縣也

又北為博廣池池多名蟹佳鰕歲貢王朝以充膳府  
又北逕下博縣故城東而北流注于衡水也

又東北過扶柳縣北又東北過信都縣西

扶柳縣故城在信都城西

扶柳縣故城在今冀州西南信都縣即正定府冀州

昌城縣故城在冀州西北

衡水逕其西縣有扶澤澤中多柳故曰

扶柳也衡水又北逕昌城縣故城西

今在冀州西北地理志

曰信都有昌城縣

漢志作昌成

漢武帝以封城陽頃王子

劉羌

史表城陽頃王子劉差封昌侯今云羌誤

為侯國閼駟曰昌城本名

阜城矣應劭曰堂陽縣北三十里有昌城故縣也世

祖之下堂陽昌城人劉植率宗親子弟據邑以奉世

祖是也又逕西梁縣故城東西梁縣故城在扶柳地

理風俗記曰扶柳縣西北五十里有梁城故縣也世

以為五梁城蓋字狀致謬耳元和志信都縣衡水亦曰長蘆水即濁漳水之

下流也西北去縣六十二里蒙宇記長蘆枯衡漳又

東北逕桃縣故城北桃縣今為正定府衡水縣故城在冀州西北四十五里漢

高祖十二年封劉襄為侯國王莽改之曰桓分也合

斯浚故瀆斯浚水首受大白渠大白渠首受綿蔓水

明一統志綿蔓水在正定府井陘縣南門外源發山西平定州流至縣界與甘陶河合 綿蔓水

上承桃水水出樂平郡之上艾縣東流世謂之曰桃

水東逕靖陽亭南故關城也及北流至井陘關下注

澤發水亂流東北逕常山蒲吾縣西而桃水出焉南

逕蒲吾縣故城西蒲吾縣今為正定府平山縣又東南流逕桑中

縣故城北世謂之石勒城蓋趙氏增成之故擅其目

又謂之高功城也地理志曰侯國也桃水又東南流



逕綿蔓縣故城北王莽之綿延也世祖建武二年封  
郭況為侯國自下通謂之綿蔓水綿蔓水又東流逕

樂陽縣故城西右合井陘山水水出井陘山世謂之

鹿泉水也

明一統志鹿泉在正定府獲鹿縣海螺山下漢韓信伐趙下井陘師患無水于此獲

二白鹿跑地得泉因名

東北流屈逕陳餘壘而俗謂之故壁城

昔在楚漢韓信東入餘拒之於此不納左車之計悉

衆西戰信遣奇兵自間道出立幟於其壘師奔失據

遂死泝上其水又屈逕其壘南又南逕城西東注綿

蔓水綿蔓水又屈從城南俗名曰臨清城非也地理

志曰侯國矣王莽更之曰申苗者也

漢志樂陽縣屬常山郡莽曰陽

苗今云申苗誤

東觀漢記曰光武使鄧禹發房子兵二千人

以鉞

原本北譌

期為偏將軍別攻真定宋子餘賊援樂陽

稟肥壘者也

後漢書鄧期傳期為裨將屬鄉禹拘正定宋子攻拔樂陽稟肥壘注曰樂陽縣名

肥壘故肥子國今藁城縣此云援當作扶稟當作藁

綿蔓水又東逕烏子堰枝

津出焉又東謂之大白渠地理志所謂首受綿蔓水

者也白渠水又東南逕開縣故城北地理志曰常山

之屬縣也又東為成郎河水上有大梁謂之成郎橋

又東逕耿鄉南世祖封前將軍耿純為侯國世謂之

宜安城又東逕宋

漢志宋子縣屬鉅鹿郡

子縣故城北

宋子故城在今

正定府趙州東北二十里

又謂之宋子河漢高帝八年封許願

按史

表當作瘞

為侯國王莽更名宜子晉漸離擊筑傳工自此

入秦

史記刺客傳高漸離變姓名為人庸保匿作于宋子宋子傳客之聞于秦始皇徐廣曰傳客互

以為客也此云傳工疑當作傳客或當作庸工

又東逕敬武縣故城北按地

理志曰鉅鹿之屬縣也漢元帝封女敬武公主為湯

沐邑閬國十三州記曰楊氏縣北四十里有武寧故

縣也今其城實中小邑耳故俗名之曰敬武壘即古

邑也白渠又東謂之斯浚水地理志曰大白渠東至

曲陽入浚河者也

明一統志浚河在正定府欒城縣西一十二里來自平山縣流逕縣

境至趙州南入大陸澤

東分為二水枝津右出焉東南流謂之

百尺溝又東南逕和城北世謂之初邱城非也漢高

帝十一年封郎中公孫耳為侯國

按史記表作禾成

又東南

逕育城西漢高帝六年封呂博為侯國

按史漢表無呂博封育侯

之事且漢志無育縣不知何據云然考志鉅鹿郡有  
貫縣史記表有貫侯呂係高祖六年封漢表作貫侯  
合傳胡害功封嗣侯皆同此云呂博或即合史漢表  
而互異之謠貫為育謠傳為博耳然而所未詳也

百尺溝東南散流逕歷鄉東而南入泚湖東注衡水

也斯洙水自枝津東逕育城北又東積而為陂謂之

陽縻淵淵水左納白渠枝水俗謂之祇水

疑作祇水

水承

白渠於藁縣之烏子堰又東逕肥累縣之故城南

藁城

縣今屬正定府肥壘故城在縣西南占肥子國

又東逕陳臺南臺甚寬廣今

上陽臺屯居之又東逕新豐城北按地理志云鉅鹿

有新市縣侯國也王莽更之曰樂市而無新豐之目

所未詳矣

新市故城在今正定縣西北

其水又東逕昔陽城南世

謂之曰直陽城非也本鼓聚矣春秋左傳昭公十五

年晉荀吳帥師伐鮮虞圍鼓

杜預注鼓白狄之別鉅鹿曲陽下有鼓聚

三

月鼓人請降穆子曰猶有食色不許軍吏曰獲城而

弗取勤民而頓兵何以事君穆子曰獲一邑而教民

怠將焉用邑邑以賈怠不如完舊賈怠無卒棄舊不

祥鼓人能事其君我亦能事吾君率義不與好惡不

愆城可獲而民知義所有死義

義左傳作命

而無二心不

亦可乎鼓人告食竭力盡而後取之克鼓而返不戮一人以鼓子鳶鞮歸既獻而返之鼓子又叛荀吳畧

東陽使師偽糴負甲怠於門襲而滅之以鼓子鳶鞮

歸使涉佗守之者也

左傳昭公二十二年鼓子又叛于鮮虞荀吳畧東陽使師偽糴

者負甲以息于昔陽之門外遂襲鼓滅之以鼓子鳶鞮歸使涉佗守之

十三州志曰今

其城昔陽亭是矣京相璠曰白狄之別也下曲陽有鼓聚故鼓子國也白渠泝水又東逕曲陽城北又逕

安鄉縣故城南

原本漏。故城在無極縣南六里。

地理志曰侯國也

又東逕育縣入斯浚水斯浚水又東逕西梁城南又

東北逕樂信縣城南地理志曰鉅鹿縣侯國也又東

入衡水衡水又北為袁譚渡蓋譚自鄴往還所由故

濟得厥名

又東北過下博縣之西

今為正定府深州

衡水又北逕鄆

當作鄆下同按漢志作鄆

縣故城東

鄆縣故城在今保定保東

鹿縣東接深州界元和志衡漳水在鹿城縣南

竹書紀年梁惠成王三十年



秦封衛鞅于鄠改名曰商

今竹書作尚

即此是也故王莽

改曰秦聚也地理風俗記曰縣北有鄠阜蓋縣氏之又

右逕下博縣故城西王莽改曰閏博應劭曰太山有

博故此加下漢光武自潯沱南出至此失道不知所

以遇白衣老父曰信都長長安守去此八十里世祖

赴之任光開門納馬漢氏中興始基之矣尋求父老

不得議者以為神

後漢書光武紀光武至潯沱河邊惑不知所之有白衣老父在道旁

指曰努力信都郡為長安守去此八十里衡漳又東

光武即馳赴之信都太守任光開門出迎

北歷下博城西逶迤東北注謂之九爭西逕樂鄉縣

故城南王莽更之曰樂邱也又東引葭水注也

樂鄉故城

在今深州東北引葭即長蘆水也自此以下衡漳與長蘆互受通稱

又東北過阜城縣北

此阜城當在今武邑縣界

又東北至昌亭與雩

池

一作滹沱下並同

河會

經叙阜城於下博之下昌亭之上考地非比於事為

同勃海阜城又在東昌之東故知非也漳水又東北

逕武邑郡南魏所置也

武邑縣今屬正定府元和志武邑縣長蘆水北去縣三十

二 入東逕武強縣北

今屬正定府元和志武強故城在武強縣西南二十五里按今

縣南有武強故城二一魏置一西晉置寰宇記衡漳在武強縣南五里

又東北逕武隧

縣故城南

武隧縣今省入武強縣元和志武隧故城在武強東三十一里

按史記秦

破趙將扈輒於武隧斬首十萬即於此處也王莽更

名桓隧矣白馬河注之水上冰零池東逕樂鄉縣北

饒陽縣

今屬正定府

南又東南逕武邑郡北

晉分武邑武隧觀津為武

邑治此當在今武邑縣界縣志云漳河在縣西北二十里

而東入衡水謂之交津

口衡漳又東逕武邑縣故城北王莽之順桓也晉武

帝封子於縣以為王國

晉書武帝紀司馬承初封南宮王太康十年改封武邑王

後分武邑武隧觀津為武邑郡治北衡漳又東北右

合張平口故溝上承武強淵淵之西南之側有武強

縣故治故淵得其名焉東觀漢記曰光武拜王梁為

大司空以為侯國者宿云邑人有行於途者見一小

蛇疑其有靈持而養之名曰擔生長而吞噬人里中

患之遂捕繫獄擔生負而奔邑淪為湖縣長及吏咸

為魚矣今縣治東北半

宋本半下有里字

許落水淵水又東

南結而為湖又謂之郎君淵者宿又言縣淪之日其  
子東奔又陷於此故淵得郎君之目矣淵水北通謂  
之石虎口又東北為張平澤澤水所泛北決堤口謂  
之張刀溝北注衡河謂之張平口亦曰張平溝水溢  
則南注水耗則輟流衡漳又逕東昌縣故城北今武邑縣  
東有東昌廢縣經所謂昌亭也王莽之田昌也俗名之曰東  
相蓋相昌聲韻合故致茲誤矣西有昌城故目是城  
為東昌矣衡漳又東北左會零池故瀆謂之合口衡

漳又東北分為二川當其水洑處名之曰李聰渙

又東北至樂成陵縣別出北

按漢志樂成縣屬河間國故城在今河間府獻縣東

南漢志無陵縣玩注此陵字疑衍

衡漳於縣無別出之瀆縣北者乃零池別水分零池

故瀆之所纏絡也衡漳又東分為二水左出為向氏

口溝水自此決入也衡漳又東逕弓高縣故城北雖指

云弓高故城在今河間府阜城縣西南明一統志云在景州東北四十里漢景帝封韓信

兒子韓隤當為侯國

史表文帝十六年封韓王信孽子頽當為弓高侯今為景帝及

韓信兒子並誤韓王信傳  
作十四年封穎漢表作隲

王莽之樂成亭也衡漳又

東北右合柏梁澹水上承李聰渙東北為柏梁澹東

逕扶領縣故城南漢武帝元朔三年封廣川王子劉

嘉為侯國

史記表劉嘉封蒲領侯

地理風俗記曰修縣西北八

十里有蒲領鄉故縣也

明一統志蒲領城去阜城縣三里漢縣後省入修縣又有

城在滄州魯城縣北六十里亦名蒲領蓋東漢末黃巾之亂有蒲領人流寓于此因立此城非漢縣也

又東北會桑杜

宋本作桑社下同

枝津又東北逕弓高城北

又東注衡漳謂之柏梁口衡漳又東北右會桑杜溝

溝上承從陂世盧達

上下疑有謠字闕文

從薄亦謂之訶摩河

東南通清河西北達衡水春秋雨泛漳澤津渚今觀

津城北方二十里盡為澤數蓋水所鍾也其瀆逕觀

津縣故城北

在景州西北與武邑縣連界明一統志云在武邑縣東南三十里

樂毅

自燕降趙封之於此邑號望諸君王莽之朔定亭也

又南屈東逕竇氏青山南側堤東出青山即漢文帝

竇后父少翁冢也翁即是縣人遭秦之亂魚釣隱身

墜淵而死景帝立后遣使者填以墓父起大墳於觀



津城東南故民號曰青山也又東逕董仲舒廟南

明一

統志董子祠在景州治東南崇基上舊有祠在西南廣川鎮

仲舒廣川人也世猶

謂之董府君祠春秋禱祭不輟舊溝又東逕修市縣

故城北漢宣帝本始四年封清河綱

史表作剛

王子劉寅

為侯國王莽更之曰居寧也俗謂之溫城非也地理

風俗記曰循

何氏云此循字亦修字傳寫之誤漢志修屬信都國下同

縣西北二

十里有修市城故縣也又東會從陂陂水南北十里

東西六十步子午潭漲淵而不流亦謂之桑杜淵從

陂南出夾堤東派逕循縣故城北東合清漳漳泛則北注澤盛則南播津流上下互相逕道從陂北出東北分為二川北逕弓高城西而北注柏梁漑一川東

逕弓高城南又東北陽津清

宋本作溝

水出焉左瀆北入

衡漳謂之陽決口衡水東逕阜城縣故城北樂城縣

故城南河間郡治地理志曰故趙也漢文帝二年別

為國應劭曰在兩河之間也景帝九年

按表是景帝二年封

子德為河間王是為獻王王莽更名郡曰朔定縣曰

陸信禘先生曰漢宣帝地節三年

漢表作地節二年

封大將

軍霍光兄子山為侯國也

漢表作樂平

漢章帝封子開於

此漢桓帝追尊祖父孝王開為孝穆王以其邑奉山陵故加陵曰樂陵也今城中有故池方八十步舊引衡水北入城注池池北對層臺基隍荒蕪示存古意也

又東北過成平縣南

衡水又東逕建成縣故城南按地理志故屬渤海郡

褚先生曰漢昭帝元鳳三年

按漢表作宣帝五鳳三年黃霸傳亦云代丙吉

為丞相封建成侯此云昭帝元鳳誤

封丞相黃霸為侯國也成平縣故

城在北

漢表作平城按二城並在交河縣界

漢武帝元朔三年封河間

獻王子劉禮為侯國王莽之澤亭也城南北相直衡

漳又東右會楊津溝水自枝水東逕阜城南地理志

勃海有阜城縣王莽更名吾成者非經所謂阜成也

建武十五年世祖更封大司馬王梁為侯國陽津溝

水又東北逕建成縣左入衡水謂之陽津口衡漳又

東左會雩池別河故瀆

漢志成平縣有雩池河民曰徒駭河又樂成縣雩池別水

首受雩池河東至東光入雩池河此雩池河即漳水古之徒駭也漳池別河故瀆即雩池別水自樂成來者志云至東光入雩池河蓋與成平接界處也又東北入清河謂之合口

河水

篇曰大河故瀆東北至東光縣故城西而北與漳水合是也縣界清河本西漢大河之經流王莽時河徙清河由此北會漳水故酈元云清漳二瀆河之舊道也合口在今青縣南二里接滄州界又逕南

皮縣之北皮亭而東北逕浮陽縣西東北注之

又東北過章武縣西又東北過平舒縣南東入海

清漳自章武縣故城西

故城在今河間府鹽山縣西北

故濊邑也枝

瀆出焉謂之瀝水

按青縣宋為乾寧軍本漢參戶縣東得章武地縣南有參戶故城即

酈注所謂參戶亭也元和志云一名水門城在長蘆

縣西北四十里青縣新志云瀝水東北流逕天津鎮

東南十里為大直沽地勢平衍羣流漲溢茫無涯涘故得厥稱長蘆縣即今衛南七十里衛河西南之長

蘆鎮也東北逕參戶亭分為二瀆應劭曰平舒縣西南

五十里有參戶亭故縣也世謂之平虜城枝水又東

注謂之蔡伏溝又東積而為淀一水逕亭北又逕東

平舒縣故城南

在今順天府大城縣界

代郡有平舒城故加東

地理志曰勃海之屬縣也魏土地記曰章武郡治故

世以為章武故城非也又東北分為二水一

疑漏  
水字右

出為澱一水北注呼池謂之濊水清漳亂流而東注

于海

章武漢屬勃海郡唐為魯城縣在滄州北一百里東平舒故城在今大城縣界淇水篇云清河

自濊

邑北又東北至泉州縣北入濊沱又東逕漂榆

邑故城

南入于海按今靜海縣本漢章武平舒二縣

地縣北

有漂榆城清漳合流經此入海寰宇記云御

河自乾

寧軍東北九十里入潮河合流向東七十里

於獨流

口入海潮河即界河也縣東北九十里有小

直沽

天津衛設馬本漢章武縣地元為靜海縣之海

濱鎮明

永樂二年築城置衛本朝改衛為鎮小直

沽即古

沽水後魏志章武縣有沽水水經云沽水東

南至

泉州縣與清河合東入于海是也泉州今為寶

坨鄆縣

地小直沽受南北諸水東逕天津城北又東

南合大直沽而東注于海漢志所云河水東北至章武入海者也海即勃海元和志云在魯城縣東九十里今在靜海縣東北一百五十里南接滄州折而東北接寶坻縣界禹貢之逆河後世則為勃海亦謂之海也

清漳水出上黨沾縣西北少山大陂谷南過縣西入從

縣南屈

沾縣今為山西遼州和順縣及太原府平定州樂平縣。明一統志云清漳水源出樂平縣之

沾嶺北流折而西南入和順縣又自涉縣西入河南境東至林縣合濁漳水經臨漳館陶縣界入衛河

淮南子曰清漳出揭戾山高誘云山在沾縣今清漳

出沾縣故城東北俗謂之漳山漢分沾縣為樂平郡



治沾縣水出樂平郡沾縣界故晉太康地記曰樂平

縣舊名清漳縣漢之故名其山亦曰鹿一作谷吉山水

出大要

何氏云經作過而注作要蓋因古文要作過與龜相似故訛作要耳

谷南流逕

沾縣故城東不歷其西也又南逕昔陽城左傳昭公

十二年晉荀吳偽會齊師者假道於鮮魚遂入昔陽

杜預曰樂平沾縣東有昔陽城者是也其水又南得

梁榆水口水出梁榆城西大嘯山水有二源北水東

南流逕其城東南注南水南水亦出西山東逕文當

城北又東北逕梁榆城南即閼與故城也秦伐趙閼

與患文王使趙奢攻

一作救一作敵

之奢納許歷之說破秦

於閼與謂此也司馬彪袁松郡國志並言涇縣有閼

與聚盧諶征艱賦曰訪梁榆之虛郭吊閼與之舊平

桓亦云

朱謀瑋云桓字似誤疑當作松謂袁松也

閼與今梁榆城是也漢

高帝八年封馮解散為閼氏侯國其水右合北水北

水又東南入于清漳清漳又東南與轅水相得轅水

出轅河縣西北轅山南流逕轅河縣故城西南東流

至栗城注于清漳也

東過涉縣西屈從縣南

按地理志云魏郡之屬縣也漳水於此有涉之稱名

因地變也

涉縣今屬河南彰德府明一統志云本漢沙縣地屬魏郡後因漳水人民徙涉故遂

名涉縣

東至武安縣南叅容邑入于濁漳

朱云此下疑闕注文

水經注集釋訂訛卷十

欽定四庫全書

水經注集釋訂訛卷十一

歸安沈炳巽撰

易水 滏水

易水出涿郡故安縣閭鄉西山

涿郡今直隸順天府涿州故安今為保定府易

州

易水出西山寬中谷東逕五大夫城南

五公城在今保定府滿城

縣

昔北平侯王譚不同王莽之政子興生五子並避

時亂隱居此山故其舊居世以為五大夫城即此

按漢

表王譚封平阿侯且卒于成帝鴻嘉四年是時莽尚  
未封侯烏得云不同王莽之政也所謂北平侯者尤  
不可信矣又按元后傳譚子仁仁子術亦無所謂興  
者惟后傳有云平阿侯仁素剛直莽內憚之令大臣  
奏以罪過迫令自殺則不從莽者仁也非譚也  
豈興為仁子因避莽而隱居此山乎所未詳也

云五王在中龐葛建績

宋本作龐葛連績

者也易水東左與

子莊溪水合水北出子莊關南流逕五公城西屈逕

其城南五公猶

疑作即

王興之五子也光武即帝位封

為五侯

按五侯之封史無明文顧氏日知錄云此係後人追撰妄說不足取信東漢人二名者絕

少又澠水篇澠水東逕安喜縣南注云縣故安喜也  
漢章帝改曰安喜則安喜改于章帝豈先武時先有  
安喜之名其元才北平侯益才安喜侯按河北記顯  
為妄撰無疑作安嘉侯

才蒲陰侯仲才新市侯

河北記作新安侯

季才為唐侯所謂

中山之五王也俗又以五公名居矣二館之城

朱云二館

謂樊於期館荆軻館二館並有城

澗曲泉清山高林茂風煙披薄觸

目栖情方外之士尚憑依舊居取暢林木其水東南

入于易水易水又右會女思谷水水出西南女思澗

東北流注于易謂之三會口易水又東屈關門城西

南即燕之長城門也與樊石山水合水源西出廣昌

鄉縣之樊石山東流逕覆釜山下東流注于易水易

水又東歷燕之長城又東逕漸離城南蓋太子丹館

高漸離館也易水又東逕武陽南

武陽城在今易州城南

蓋易

自寬中歷武夫關東出是兼武水之稱故燕之下都

擅武陽之名左得濡水枝津故瀆武陽大城東南小

城即固

一作故  
下同

安縣之故城也漢文帝封丞相申屠

嘉為侯國城東西二里南北一里半高誘云易水逕



固安城南外東流即斯水也誘是涿人事明經證今  
水破城東南隅世又謂易水為固安河武陽蓋燕昭  
王之所城也東西二十里南北十七里故傳述遊  
賦日出北薊歷良鄉登金臺觀武陽兩城遼廓舊迹  
冥茫蓋謂是處也易水東流而出於范陽

東過范陽縣南

今為順天府房山縣地故  
城在易州東南六十里

又東過容城

縣南

容城縣今  
屬保定府

易水逕出范陽縣故城秦末張耳陳餘為陳勝畧地

燕趙命蒯通說之范陽先下是也漢景帝中元三年

封匈奴降王代為侯國王莽之通順也

漢志作莽曰順陰

易

水又東與濡水合出故安縣西北窮獨山南谷東流

與源泉水合水發北溪東西流注濡水濡水又東南

逕樊於期館西是其授首於荆軻處也濡水又東南

流逕荆軻館北

荆軻城在今易州城西七里

昔燕丹納田生之言

尊軻上卿館之於此二城並廣一里許俱在置阜之

上邪上而下方濡水人東逕范陽城西北舊竭濡水

枝流南入城逕相冢西冢垣城側耶

疑作即

水塘也四

周塋域深廣有若城焉其水側有數陵墳高壯望若  
青丘詢之古老訪之史籍並無文證以私情求之當  
是燕都之前故墳也或言燕之墳塋斯不然矣其水  
之故瀆南出屈而東轉又分為二瀆一水東注金臺  
陂一水逕故安城西側城南注易水夾塘崇峻遼岸  
高深左右百步一釣臺參差交峙迢遞相望更為佳  
觀矣其一水東出金臺陂東西六七十里南有金

二字

北五十步側陂西北有釣臺高丈餘方可四十步

陂北十餘步有金臺臺上東西八十許步南北加減

高十餘丈昔慕容垂之為范陽也戍之即斯臺北有

蘭馬臺並悉高數丈秀峙相對翼臺左右水流經通

長廡廣宇周施浦渚棟堵咸淪柱礎尚存是其基構

可得而尋意欲圖還上京阻于行旅造次不獲遂心訪

諸耆舊咸言昭王禮賓廣延方士至如郭隗樂毅之

徒鄒衍劇辛之儔宦遊歷說之民自遠而屆者多矣

不欲令諸侯之客伺隙燕邦故修建下都館之南垂  
言燕昭創之於前子丹踵之於後故彫牆敗館尚傳  
錫刻之名雖無紀可憑察其古跡似符傳矣濡水自  
堰又東逕紫池堡西屈而北流又有渾塘溝水注之

水出酋縣西

按漢志涿郡有通縣師古曰古道字北  
云酋誤今為保定府涿水縣故城在縣

北治白馬山南溪中東南流入濡水

明一統志濡水源  
出易州窮獨山東

南流至易州支分入城近東方  
四里許淵而不流號聖女水

濡水又東至塞口古

壘石堰水處也濡水舊枝分南入城東大陂陂方四

里今無水陂內有泉淵而不流際池北側俗謂聖女泉濡水又東得白楊水口出遼縣之西山白楊嶺下東南流入濡水時人謂之虎眼泉也濡水東合檀山水水出遼縣西北檀山西南南流與石泉水會水出石泉固東南隅水廣二十許步深三丈固在衆山之內平川之中四周絕澗阻水八丈有餘石高五丈石上赤土又高一丈四壁立直立上廣四十五步水之不周者路不容軌僅通人馬謂之石泉固固上宿有

白楊寺是白楊山神也寺側林木交蔭叢柯隱景沙

門釋法澄建刹於其上更為思玄

疑作玄

之勝處也其

水南流注于檀水故俗有并溝之稱焉其水又東南

流歷固

一作故下同

安縣北而南注濡水又東南流於容

城縣西北大利亭東南合易水而注巨馬水也

明一統志

拒馬水源出山西代郡涿山流經涿水縣北又東南經定興縣治西與白澗河合晉劉琨守此以拒石勒

故名又東至新城故地理志曰固安縣閭

原本

鄉易

水所出至范陽入濡水閼駟亦言是矣又曰濡水合

渠許慎曰濡水入深深渠

按許氏說文云濡水出涿郡故安東入漆涑深深二

字當作漆涑

二號即巨馬之異名然二易俱出一鄉同入

濡水南濡北易至涿郡范陽縣會北濡又並亂流入

沫

一作涑

是則易水與諸水互攝通稱東逕容城縣故

城北渾濤東注至勃海平舒縣與易水合關駟曰涿

郡西界代之易水而是水出代郡廣昌縣東南郎山

東北燕王仙臺東臺有三峯甚為崇峻騰雲冠峯高

霞翼嶺岫壑冲深合

疑作舍

煙罩霧者舊言燕昭王求



仙處其東謂之石虎置范曄漢書云中山簡王焉之

寔也厚其墓採涿郡山石以樹墳塋

後漢書中山簡王馬立五十二

年薨詔重其禮大為修冢塋開神道平夷吏人家墓以千數作者萬餘人發常山鉅鹿涿郡柏黃腸雜木

三郡不能備復調餘州郡工徒及送致者數千陵隧碑千人凡徵徭動六州十八郡制度餘國莫及

狩並出此山謂之石虎山山有所遺三石虎後人因

以名置

疑脫岡字

之東麓即泉源所導也經所謂閭鄉曲

朱云詳經文曲字當作西山二字

其水東流有跋水南會渾波同注

俗謂之為電河司馬彪郡國志曰電水出固安縣世

祖令耿況擊故安西山賊吳耐蟲符電上十餘營皆

破之即是水者也易水又東逕孔山北

今在易州城西南五十里

山下有鍾乳穴穴出佳乳採者篝火尋炒

朱本云一作沙沙者

以其雜土石而言也出穴而去土與石即為乳矣

入穴里許渡一水潛通流

注其深可涉於中衆穴竒分令出入者疑迷不知所

趣每於疑路必有歷記返者乃尋孔以自達矣上又

有大孔壑達洞開故以孔山為名也其水又東逕西

固安城其所

上下疑有謬字脫文宋本作南即

閭鄉城也歷送荆陘

北者舊云燕丹餞荆軻於此因而名焉世代已遠非

所詳也遺名舊傳不容不詮庶廣後人傳聞之聽易

水又東流屈逕長城西又東流南過武遂縣南

今為正定

府武強縣新城縣北

今屬保定府

史記曰趙將李牧伐燕取武

遂方城是也俗又謂水為武遂津津北對長城門謂

之分門史記趙世家云孝成十九年趙與燕易

按史記易

下漏土字以龍兌汾門與燕燕以葛城武陽與趙即此也

亦曰分門

朱云分門疑有脫誤據郡國志云門又謂汾郡北新城有汾水門恐當從此

之梁門矣易水東分為梁門陂易水又東梁門陂水注之水上冰易水於梁門東入長城東北入陂陂水北接范陽陂陂在范陽城西十里方一十五里俗亦

謂之為鹽臺陂陂水南通梁門淀方三里淀水東南

流出長注易

長字疑衍易下疑滿水字

謂之范水易水自下有范

水通目又東逕范陽縣故城南即應劭所謂范水之

陽也易水又逕樊輿

當作輿下同

縣故城北

今為保定府治故城在府

城東南三十里漢武帝元朔五年封中山靖王子劉條為侯

國王莽更名握符矣地理風俗記曰北新城縣東二

十里有

衍

樊樊與

當作

亭故縣也易水東逕容城縣

故城南

今屬保定府

漢高帝六年封趙將夜於深澤景帝

中元三年以封匈奴降王唯徐盧於容城

漢書作

為侯國王莽更名深澤易水又東渥水注之其水上

承二陂於容城縣東南謂之大渥澌小渥澌水南流

注易水謂之渥同口水側有渾渥城易水逕其南東

合渥水故桑欽曰易水出北新城西北東入渥自下

滏易互受通稱矣易水又東逕易京南漢末公孫瓚  
害劉虞於薊下時童謡云燕南垂趙北際唯有此中  
可避世瓚以易地當之故自薊徙臨易水謂之易京

城

在今保定府雄縣

在易城西四五里趙建武四年石虎自

遼西南達易京以京鄣至固令二萬人廢壞之今者

地壁夷平其樓基尚存猶高一匹餘

漢書食貨志布帛廣二尺二寸

為幅長四丈為匹小爾雅倍兩謂之匹

基上有井世名易京樓即瓚所

堡也故瓚所與子書云袁氏之攻狀若鬼神衝梯舞

于樓上鼓角鳴于地中即此樓也易水又東逕易縣

故城南

今為保定府雄縣故城有二一在雄縣漢置一在舊故安城西北隅隋置即易州附郭今

省入易州

昔燕文公徙易即此城也闕駟稱燕太子丹遣

荊軻刺秦王與賓客知謀者祖道於易水上皆素衣

冠送之于易水之上荊歌

疑作軻

起為壽歌曰風蕭蕭

兮易水寒壯士一去兮不復還漸離擊筑宋如意和

之

按國策史記俱無宋如意事唯陶淵明詠荊軻詩云漸離擊悲筑宋意唱高聲用之

為壯聲

士髮皆衝冠為哀聲士皆流涕疑於此也余按遺傳

舊跡多在武陽似不餞此也漢景帝中和三年封匈奴

奴降王僕默

史表作默

為侯國也

又東過安次縣南

今為順天府東安縣其故城在縣西北

易水逕縣南鄭縣故城北

按漢志涿郡有鄭縣而無鄭縣此鄭字當作鄭今為

河間府任邱縣其故城在縣北三十里今曰莫州城

東至文安縣

今屬順天府

與雲

池合史記蘇秦曰燕長城以北易水以南正謂此水

也是以班固關駟之徒咸以斯水謂之南易

又東過泉州縣南東入于海

今為順天府寶坻縣其故城在武清縣東南四十里



經書水之所歷次注海也

澠水出代郡靈邱縣高氏山

山海經作高是山靈邱縣今屬山西大同府高是山

在蔚州西北七十里

即溫嘓夷之水也出縣西北高氏山

嘓夷河今在蔚州境周禮職方

氏曰并州之川曰潯沱嘓夷漢書地理志曰代郡靈邱縣澠河東至文安入大河過郡五行九百四十里并州川也鄭司農曰嘓夷即析夷水出平舒縣元和志蔚州靈邱縣嘓夷水一名澠水出縣西北高是山今按渾源州在山西大同府東南一百二十里本漢繁峙嶂二縣屬雁門郡州志云州南七里有翠屏山高千餘丈周十里澠水出其東蓋即高氏山是山之別名東南接靈邱界者也

山海經曰高氏

之山澠水出焉東流經于河者也其水東南流山上

有石銘題言冀州北界故世謂之石銘陁也

在今靈邱縣

其水又南逕曰候候塘川名也

朱云當作又南逕候塘候塘川名也

又

東合溫泉水水出西北暄谷其水溫熱若湯能愈百

疾故世謂之溫泉焉東南流逕興豆亭北亭在南原

上歌傾而不正故世以歌城目之東流注于澠水又

東泉水注之水導源莎泉南流水側有莎泉亭東南

入于澠水又東逕靈丘縣故城南

在今渾源州西南一百三十里西北

去大同二  
百七十里 水中

何氏云下  
疑有脫文

自源南注澠水應劭曰趙

武靈王葬其東南二十里

今在靈丘縣  
東南三十里

故縣氏之縣

古屬代漢靈帝光和元年中山相藏昊

當作  
景

上請別

屬也地理志曰靈丘之號在武靈王之前矣又按司

馬遷趙敬侯二年敗齊於靈丘

史記六國表作敬侯  
九年伐齊至靈丘與

趙世家異按史記註云此靈丘齊地非代郡之靈丘  
則又安知不因靈王也鄭注恐不可從宜依應說為

是則名不因靈王事如漢志澠水自縣南流入峽謂

之隘門設隘於峽以譏禁行旅歷南山高峯隱天深

溪埒谷其水沿澗西轉逕御射臺南臺在北阜上臺  
南有御射石碑南則秀鄣分霄層崖刺天積石之峻  
壁立直上車駕沿草二字疑衍每出所遊幸焉澠水西流  
又南轉東屈逕北海王詳之石碣南御所屆疑石柱  
北而南流者也

東過廣昌縣南今屬大名府衛州

澠水東逕嘉牙川

疑當作又

有一水南來注之水出恒

山北麓雖川三合逕嘉牙亭東

疑有譌誤

而北流注于澠

水水之北山行即廣昌縣界滬水又東逕倒馬關在廣

昌縣南七十里關山險隘是為深峭勢均詩人高置當作之

病良馬上下疑有脫文傳嶮之行軒故關受其名馬關水出

西南長溪下東北壁關注滬滬水南山上起御坐於

松園建祇洹東圃北二面以上有諂脫岫郭高深霞峯隱

日水望登明淵無潛甲行李所逕鮮不徘徊忘返矣

又東南過中山上曲陽縣北今屬正定府恒水從西來注之

按曲陽縣隋為恒陽縣地理志云有恒陽溪即恒水源也曲陽縣志滬水在縣東北

沁水自倒馬關南流與大嶺水合水出山西南大嶺  
下東北流出峽峽右山則有祗洹精廬飛陸陵山丹  
盤虹梁長津泛瀾縈帶其下東北流注于沁沁水又  
屈而東合兩嶺溪水水出恒山北阜東北流歷兩嶺  
間北嶺雖層陵雲舉猶不若南巒削秀自水南步遠  
峯石磴逶迤沿途九曲歷睇諸山咸為劣矣抑亦羊

腸叩來之類者也

高誘呂覽注曰羊腸山盤紆如羊腸在太原晉陽北又淮南子注云

羊腸坂是太行並門之限也華陽國志曰叩崕山本名叩崕其岩阻峻迴曲九折乃至山上疑水夏結冬

則劇齊宋通和路出其間其水東北流注于滌水又

東左合懸水水出山原

此下疑有譌脫

岫盤谷輕湍瀟下分

石飛懸水一匹有餘直灌山際白波奮流自成潭渚

其水東南流揚湍注于滌滌水又東流歷山世謂是

處為鴻頭疑即晉書地道記所謂鴻上關者也關尉

治北平而畫塞於上都東北云

當從宋本作去

北平不遠兼

縣上所極也滌水於是左納鴻上水水出西北近溪

東南流注于滌水也

又東過唐縣南

今屬保定府

澠水又東逕左人城南應劭曰中人城西北四十里

亦或謂之為唐水也水出中山城之西北城內有小

山在城西側山銳上若委粟焉疑即地道記所云望都

縣有委粟闕也俗以山在邑中故亦謂之中山城

在今

唐縣西北十三里以城中有山之木

疑作目

因復謂之為唐

城也故中山記以為中人城又以為鼓聚殊為乖謬

矣言城中有山故曰中人山也中山郡治京相璠曰



今中山望都里

里字當作西北左傳注云望都縣西北有中人城

二十里有

故中人城望都城東有一城名堯始城本無中人之

傳璠或以為中人所未詳也中山記所言中人者城

東去望都故城一十餘里

望都縣今為保定府慶都縣

二十里則

減但苦其不東觀矣

此句疑有譌誤

異說咸為爽矣今此城

於盧奴城北如西六十里城之西北泉源所導西逕

狼山北郎唐音讀近實兼唐水之傳西流歷左人亭

注滌水又東左會一水水出中山城北郎中阜下亦

謂之唐水也然於城非西在

疑作北

又名之謂電水又

兼二名焉西南流入滬並所未詳蓋傳疑耳滬水又

東恒水從西來注之自下滬水兼納恒川之通稱焉

即禹貢所謂恒衛既從也滬水又東右苞馬溺水水

出上曲陽城東北馬溺水東北流逕伏亭晉書地道

記曰望都縣有馬溺關中山記曰八渡馬溺是山曲

要害之地一一關勢帶接疑斯城即是關尉宿治異

目之來非所詳矣馬溺水又東流注于滬滬水又東

逕中人亭南

在今唐縣界

春秋左傳昭公十三年晉荀吳

率師侵鮮虞及中人大獲而歸者也滏水又東逕京

邱北世謂之京

京字上下疑有脫文

南對漢項王陵滏水北對

君子津津上有哀王子憲王陵坎下有泉源積水亦

曰泉上岸滏水又東逕白土北南即靖王子康王陵

三墳並列者是矣

原本漏

滏水又東逕樂羊城北史記

稱魏文侯

漏使字

樂羊滅中山蓋其故城中山所造也

故城得其名滏水又東逕唐縣故城南北二城俱在

澠水之陽故曰澠水逕其東城西又有一水導源盧奴縣之西北是城西平城之地泉湧而出俗亦謂之為唐水也東流至唐城西北隅竭而為湖俗謂之唐池蓮荷被水勝遊多萃其上信為嬉處也其水南入小溝下注澠水自上歷下通禪疑作檀唐川之兼稱焉

應劭地理風俗記曰唐縣西四十里得中人亭今於

此城取中人鄉則四十里也

後漢書郡國志唐縣有中人亭注引博物記曰

唐關在中人西北百里中人在縣西四十里

唐水在西北入澠與應符合

又言堯山者在南則無山以擬之為非也闕駟十三

州志曰山治盧奴唐縣故城

疑作城

在國北七十五里

駟所說此則非也史記曰帝嚳氏沒帝堯氏作始封

於唐望都縣在南今此城南對盧奴故城自外無城

以應之考古今

知疑作知今

事義全違俗名望都故城則

八十許里距中山城則七十里驗途推邑宜為唐城

城北去山五里與七十五里之說相符然則俗謂之

都香山即是堯山在唐東北望都界皇甫謐曰堯山

一名豆山

按皇甫謐帝王世紀曰堯封唐堯山在北唐水西入河南有望都山即堯母慶都所

居相去五十里都山一名豆山

今山於城北而如東嶄絕孤峙唐牙

桀立

朱云唐牙當作虎牙

山南有堯廟是即堯所登之山者也

地理志曰堯山在南今考此城之南又無山以應之

是故先後論者咸以地理之說為失又即俗說以唐

城為望都城者自此無城以擬之假復有之途程紆

疑漏達字

山河之狀全乖古證傳為踈罔是城西北豆山

西足有一泉源東北流逕豆山下合蘇水亂流轉注

東入滌是豈唐水乎所未詳也又於是城之南如東  
一十餘里有一城俗謂之高昌縣城或望都之故城  
也故縣目曰望都縣在高南昌皇甫謐曰相去五十  
里稽諸城地猶十五里蓋書誤耳此城之東有山孤  
峙世以山不連陵名之曰孤山孤都聲相近疑即所  
謂都山也帝王世記曰堯母慶都所居張晏曰堯山  
在北堯母慶都山在南登堯山見都山故望都縣以  
為名也唐亦中山城也為武公之國周同姓其後桓

公不恤國政周王問太史餘曰今之諸侯孰先亡乎  
對曰天生民而令有別所以異禽獸也今中山淫昏  
荒樂逞欲無度其先亡矣後二年果滅魏文侯以封  
太子擊也漢高祖立中山郡景帝三年為侯國王莽  
之常山也魏皇始二年破中山立安州天興三年改  
曰定州治水南疑漏  
盧字奴縣之故城周之衰也國有赤  
狄之難齊桓霸諸侯疆理邑土遣管仲攘戎狄築城  
以固之地理志曰盧水出北平疑為踈濶關駟應劭



之徒咸亦言是矣余按盧奴城內西北隅有水淵而  
不流南北一百步東西百餘步水色正黑俗名曰黑  
水池或云黑水曰盧不流曰奴故城北疑作亦藉水以

取名矣池水東北際水有漢王故宮處臺殿觀榭皆

上國之制簡王疑尊貴壯麗有加始築兩宮開四門

穿城北一作北城累石竇通涿疑唐水流于城中造魚池

釣臺戲馬之觀歲久頽毀遺基尚存今悉加土為剎

利靈圖三字疑有謬誤池之四周民居駢比填徧穢陋而泉

源不絕暨趙石建武七年遣北中郎將始築小城興

起北榭立宮造殿後燕因其故宮建都中山小城之

南更築隔城興復宮觀今府榭猶傳故制昔耿伯昭

歸世祖於此處也

後漢書耿弇傳弇字伯昭扶風茂陵人也間光武在盧奴馳北上謁

澠水之右盧水注之上承城內盧水池自漢疑作及

燕涿澠水逕石竇石竇既毀池道亦絕水潛流出城

潭積澱漲渭

渭字疑當作渭

水東北注于澠澠水又東逕漢

哀王陵北冢有二墳故世謂之兩女陵非也哀王是

靖王之孫康王之子也滙水又東右會長星溝溝在

上曲陽縣西北長星渚渚水東流又合洛光水水出

洛光涓

涓疑謠或漏流字

東入長星水亂流東逕恒山下廟

北漢末喪亂山道不通此舊有下階

疑有脫誤

神殿中世

以來歲書法族馬晉魏改有東西二廟廟前有碑闕

壇場相列焉其水東逕上曲陽縣故城北本岳牧朝

宿之邑也古者天子巡狩常以歲十一月至于北岳

侯伯皆有湯沐邑以自齊潔周昭王南征不還巡狩

禮廢邑郭仍存秦罷井田因以立縣縣在山曲之陽  
是曰曲陽有下故此為上矣王莽之常山亭也又東  
南流胡泉水注之受

疑謠或作又

胡泉逕上曲陽縣南又

東逕平樂亭北左會長星川東南逕盧奴城南又東  
北川渠之左有張氏墓冢有漢上谷太守議郎張平  
仲碑光和中立川渠又東北合滌水水有窮通不常

津注

又東逕安喜縣南

今為定州屬正定府其故城在州東三十里

縣故安險也其地臨嶮有井塗之難漢武帝元朔五年封中山靖王子劉應為侯國王莽更名寧嶮漢章帝改曰安喜中山記曰縣在唐水之西山高岸嶮故曰安嶮邑豐民安改曰安喜秦氏建元中

建元前秦苻堅偽號

唐水汎漲高岸崩頽城角之下有大積木交橫如梁柱焉後燕之初此木尚在未知所從余考記稽疑蓋城池當初山木湊盪漂淪巨棧阜積於斯沙息壤加以城池板築既興物固能久耳滙水又東逕鄉城北

有舊盧奴之鄉也中山記曰盧奴有三鄉斯其一焉

後隸安喜城郭南有漢朝時孝子王立碑

何氏據隸釋改朝作

明帝

又東過安國縣北

今為祁州屬保定府

滏水歷縣東分為二水一水枝分東南流逕解瀆亭

南漢順帝陽嘉元年封河間孝王子淑於解瀆亭為

侯國孫宏即靈帝也又東南逕任邱城南又東南逕

安郭亭南漢武帝元封

按史表當作元朔

五年封中山靖王

子劉博為侯國其水又東南流入于平池

宋本作滹沱

水又東北流逕解瀆亭北而東北注之矣

又東過博陵縣南

今為正定府饒陽縣定州地

滹水東北逕蠡吾縣故城南

今在保定府博野縣西南地理風俗

記曰縣故饒陽之下鄉者也自河間分屬博陵漢安

帝永元初七年河間王開子翼為都鄉侯順帝永建

五年更為侯國也

後漢書章八王傳河間孝王子蠡吾侯翼元初六年鄧太后徵河間

王諸子詣京師歲餘太后崩安帝乳母王聖與中常侍江京等譖翼謀圖不軌閹視神器貶都鄉侯遣歸

河間永建五年父開上書願  
分蠡吾縣以封翼順帝從之

又遷博陵縣故城南即

古陸城漢武帝元朔二年封中山靖王子劉貞為侯

國者也

按史記表元朔二年封中山靖王子貞為涇城侯漢表作陸城屬中山郡

地理風

俗記曰博陵縣史記象蠡吾故縣矣漢質帝本初元年

疑漏孝

繼孝質為帝追尊父翼陵曰博陵因以為縣  
桓二字

又置郡焉

後漢書桓帝紀帝肅宗曾孫蠡吾侯翼子本初元年質帝崩太后命梁冀持節迎帝

入宮即皇帝位追尊皇考為孝崇皇祖母區氏為孝  
崇博陵園貴人注曰帝既追尊其父為孝崇皇其陵

曰博陵置園廟  
馬故曰博園

漢末罷還安平晉太始年復為郡今



謂是城為野城澠水又東北逕侯世縣故南城

當作城南

故城在今保定府蠡縣東北

又東北逕陵陽亭東又北左會博水

水出望都縣東南流逕其縣故城南王莽更名曰順

調矣又東南潛入地下博水又東南

南下疑有脫文

於瀆重

源湧發東南逕三梁亭南疑即古勺梁也竹書紀年

曰燕人伐趙圍濁鹿趙靈王及代人救濁鹿敗燕師

于勺梁者也今廣昌東嶺之東有山俗名之曰濁鹿

羅地

上下疑有脫文

不遠土勢相隣以此推之或近是矣

所未詳也博水又東南逕穀梁亭南又東逕陽城縣

散為澤渚渚水渚張

宋本作渚漲

方數里匪直蒲筍是豐

實亦偏饒菱藕至若變童小

下疑漏簡字

及弱年女子

楊真

曰弱年女子女原作蕙子改切楚人謂子曰蕙今本妄改作女非是

或單舟採菱或疊

舸折芰長歌陽春愛深淥水掇拾者不言疲謠詠者

自

自下疑有脫文朱云疑漏相和二字

于時行旅過矚亦有慰於羈望

矣世謂之為陽城澌也陽城縣故城近在西北故陂

得其名焉郡國志曰蒲陰縣有陽城者也今城在縣

東南三十里其水又伏流循瀆屈清梁亭西北重源  
又發博水又東逕自堤亭南又東逕廣望縣故城北

漢武帝元朔二年封中山靖王子劉忠為侯國

漢書表元

朔二年封中山靖王子忠為廣望侯史表作望廣侯劉安中

又東合堀

一作堀

溝溝

上承清梁陂又北逕清源城東即將梁也漢武帝元

朔二年封中山靖王子劉朝平為侯國

史漢表劉朝平封將梁侯

其水東北入博水博水又東北左則濡水注之水出

蒲陰縣西昌安郭南中山記曰郭東有舜氏甘泉有

舜及二妃祠稽諸傳記無聞此處世代久遠異說之  
來於是乎在矣其水自源東逕其縣故城南枉渚廻  
湍率多曲復亦謂之為曲逆水也張晏曰湍水於城  
北曲而西流是受此名故縣亦因水名而氏曲逆矣  
春秋左傳哀公四年齊國夏伐晉取曲逆是也

左傳哀公

四年十二月國夏伐晉取邢任欒鄒逆時陰人孟壺口

漢高帝擊韓王信自代

過曲逆上其城望室宇甚多曰壯哉吾行天下唯雒  
陽與是耳詔以封陳平為曲逆侯王莽更名順牛濡

水人東與蘇水合水出縣西南近山東北流逕堯始  
亭南又東逕其縣入湍湍水又東得蒲水口水出西  
北蒲陽山西南流積水成淵東西一百步南北百餘  
步深而不測其水又東南流水側有古神祠世謂之  
為百祠亦曰蒲上祠所未詳也又南逕安陽亭東晉  
書地道記曰蒲陰縣有安陽關蓋安陽關都尉治世  
俗名斯川為安陽壙蒲水又東南歷壙逕安陽關下  
名關壘為唐頭坂出關北流又東流逕夏屋故城實

中僉絕竹書紀年曰魏殷臣趙公孫哀伐燕還取夏  
屋城曲逆者也其城東側因河仍墉築一城世謂之  
寡婦城賈復從光武追銅馬五幡於北平所作也世  
俗音轉故有是名矣其水又東南流逕蒲陰縣故城  
北地理志曰城在蒲水之陰漢章帝章和二年行巡  
北岳以曲逆名不善因山水之名改曰蒲陰焉水右  
合漁水水出北平縣西南魚山山石善巨焉

上下疑  
有訛字

水發其下故世俗以物色名川又東流注于蒲水又

東入濡故地理志曰蒲水蘇水並從縣東入濡水又  
東北逕樂城南又東入博水自下博水亦兼濡水通  
稱矣春秋昭公七年齊與燕會于濡水杜預曰濡水  
出高陽縣東北至河間鄭縣入易水是濡水與寧池  
滙易互舉通稱矣地理志曰博水東至高陽入河博  
水又東北徐水注之水西出廣昌縣東南大嶺下世  
謂之廣昌嶺嶺高四十餘里二十里中委折五廻方  
得達其上嶺故嶺有五廻之名下望層山盛

疑作盤一作盛

若蟻蛭實兼孤山之稱亦峻嶒也

疑作峻嶒

徐水三源奇

發齋寫一澗東流北轉逕東山下水西有御射碑徐水又北流西屈逕南巖下水陰又有一碑徐水又隨山南轉逕東崖下水際又有一碑凡此三銘皆翼對層巖巖巖深高壁立霞峙石文云皇帝以太延元年十二月車駕東巡逕五迴之嶮途覽崇岸之竦峙乃停駕路側援弓而射之飛矢踰于巖山刊石用讚元功矢碑並有層臺三所即御射處也碑陰皆列樹碑



官名徐水屈東北逕郎山又屈逕其山南岑

疑山岑衍

競舉若豎鳥翅立石斬巖亦如劍杪極地嶮之崇峭

漢武之世戾太子以巫蠱出奔其子遠遁斯山故世

有郎山之名山內有郎山碑事具文

一作事具于文

徐水又

逕郎山君子中觸鋒將軍廣

疑漏廟字

南廟前有碑晉惠

帝永康元年八月十四日壬寅發詔錫君父子法祠

其碑劉曜光初七年前穎丘太守郎宣北平太守陽

平邑振等共修舊碑刻石樹頌焉徐水又逕北平縣

縣界有漢熹平四年幽冀二州以戊子

此句有謬脫蓋是二州爭

境事聞于朝故詔書遣官令之立石標記耳

詔書遣翼

當作冀

州從事王球

幽州從事張眼郡縣分境立石標界具揭石文矣徐

州

當作水或作川

又東南流歷石門中世俗謂之龍門也其

山上合下開開處高六丈飛水歷其間南出垂崖傾

瀾瀉注七丈有餘洊盪之音奇為壯猛觸石成井水

深不測素波白激濤襄四陸闢之者驚神臨之者駭

魄矣東南出山逕其城中有故碑是太白君碑郎山

君之元子也其水又東流漢光武追銅馬五幡於北  
平破之順水北乘勝追北為其所敗短兵相接光武  
自投崖下遇突騎王豐於是授馬進保范陽順水蓋  
徐水之別名也徐水又東逕蒲城北又東逕清苑城  
又東南與沈水出蒲西俗謂之泉頭水也地理志曰  
北平縣有沈水東入河即是水也東逕其城又東南  
左入徐水地理志曰東至高陽入河今不能也徐水  
又東左合會曹水出西北水也寧縣

宋本作水出曹  
西北朔寧縣

河澤東南流左合岐山之水水出岐山東逕邢安城  
北又東南入曹河曹水又東南逕北新城縣故城南  
河南又逕新城故城北北王莽之朔寧縣也曹水又  
東入于徐水水又東南逕故城北俗謂之祭過城所  
未詳也徐水又東流入博水地理志曰徐水出北平  
東至高陽入于河

一作博

又東入滹地理志曰博水自

望都東至高陽入于河

又東北入于易

滏水又東北逕依城北世謂之依城河

今安州北有依城河他

說無依城之名即古葛城也郡國志曰高陽有葛城

燕以與趙者也滏水又東北逕阿陵縣故城東

寰宇記阿

陵故城在莫州任丘縣東北二十里滏水枯瀆在縣西一里

王莽之阿陸也建武

二年更封左將軍任光為侯國滏水東北至長城注

于易水者也

長城在今順天府文安縣界易水有北易中易南易北中易受北易而合流者

寰宇記南易水自容城縣南流入瀛州高陽縣與滏水合南易一名雹水

禹貢錐指曰以今輿地言之渾源靈丘廣昌

並屬山西

大同府 唐縣定州慶都祁州博野象縣高陽安州

新安

並屬直隸保定府

曲陽

屬正定府

任丘

屬河間府

文安

屬順天府

諸

州縣界中皆古滹水之所行也宋初猶未改自咸

平中何承矩興塘灤以限契丹戎馬之足於是始

引水歸北而文安之瀆遂空其後滹水仍自蠡縣

改流經肅寧河間雄縣任丘以至文安而不復北

行明時則又自雄縣改流入霸州保安界為玉帶

河不復入文安矣此恒水下流變徙之大畧也



水經注集釋訂譌卷十一